



Nuuk 28. feb. 11

Inatsisartut suleriaasianni § 37 naapertorlugu Naalackersuisunut apeqqutit imaattut matumuuna saqqummiuppara:

Naalackersuisunut apeqqut:

Aalisakkat neqillu: qerisut, pujuukkat, tarajortikkat, siatat, kuannit, ruuat, paarnaqulluit nunattalu paarnai kalaaliaqqani tuniniarneqarsinnaaleqqinnissaat anguniarlugu matumuuna Naalackersuisunut imaattunik apeqquteqaateqarpunga:

- 1. Peqqussut nunatsinnut tulluarsarlugu allanngortinneqalersaarnersoq, qulaani taakkartukkama kalaalimineerniarfinni allanilu tunisassiarineqarsinnaalernissaat anguniarlugu?**
- 2. Mamartuliat taamaattut akuerisaasumit tuniniarneqarsinnaalissappata suut piumasaqaataanersut?**

(Inatsisartuni ilaasortaq, Doris Jakobsen Siumut)

Tunngavilersuut:

Suliffeqarfiit inuussutissaleriffiusut pillugit Namminersornerullutik Oqartussat nalunaarutaat nr. 21, 27. juli 1998-imeersumi kapitali 15-imi § 26 Imm. 8-mi allaqqavoq, ” Kalaalimineerniarfinni inuussutissanik suliarinninneq inerteqqutaavoq”. Malitsigisaanik Namminersorlutik Oqartussani inuussutissalerineq pillugu oqartussaqaarfimmi peqqussut ullumikkut nassuiarneqarpoq: Kalaaliaqqani neqit aalisakkallu aapasut taamaallaat tuniniarneqarsinnaasut. Peqqussutip taassuma malitsigivaa: aalisakkat neqillu: qerisut, pujuukkat, tarajortikkat, siatat, kuannit, ruuat, paarnaqulluit nunattalu paarnaasa tuniniaqqusaannginnerat.

Kalaallit uagut ukiorpassuarni, aalisakkat neqillu pinngortitami pilisat pujuukkat, tarajortikkat, panertut allallu nunatta paarnai paarnaqulluilu inuussutigaaqut. Taamaammam mamartuutitta peqqussutikkut tuniniaqqusaajunnaarneri, nunatsinni atuisunut minnerunngitsumillu piniartunut aalisartunullu assut equivoq.

Ullumikkut uumasut nakorsaasa mingutsitaanngitsunik tunisassiornissaq siunertaralugu piumasarisarpaat, isumannaatsumik tunisassioroqassappat inuussutissarsiutitigut tunisassiorfik pisortanit akuerisaasoq atorneqassasoq. Taassumalu kingunerivaa aalisartut piniartullu pinngortitamik atuillutik pilisartut tunisassiorniartullu killilersuiffiqineqarnerat. Tamanna tunngavigalugu, Naalackersuisunut apeqquteqarpunga.

Kissaatigaara apeqquteqarfiusumit ullut qulit qaangiutsinnagit akineqarnissara.